

靈寶縣舊志序



靈寶古桃林地，在豫州境內，任土作貢，見於夏書。其風俗民情典章文物，則備載於志。天運有平陂，往復人事有窮塞。通變時世，易而志亦因之。明以前世遠年湮，無可考矣。近學博李君得舊志於張揚兩生，傳示余。乃嘉靖乙未，前令苟

靈寶縣志

舊序

一

公所重修者，字僅可讀，而其刊已燼。迄今百二十年，往矣。隨時記事，尙有遺畧之虞。况此百餘年間，掌故無人，一旦欲續既灰之燼，卽極力搜索，安能免挂漏之誚乎？余憤如蔣卿鈍，似董作簿書，日給不暇，敢云著作，但念邑不可無志，猶國不可無史，家不可無乘也。用是退食

之暇留神考究疆域封守之仍舊者幾
何式田賦丁徭之變易者幾何則供應
裁扣之盈縮者若干欵賢孝節烈之表
著者幾何人以及兵燹災害之所由來
地荒民亡之所由致按舊志綱目稍更
次之各綴數語於條例之下至

國朝之掃寇氛靖民難除荒地之徵削亡

丁之役蠲逋賦赦青災拯湯火而厝禮
席悉詳列而證書之凡數月而稿成雖
未必該載無缺百餘年之興衰利弊典
章文物亦庶幾得其大槩矣然猶有利
之所興未免爲害之所伏者如荒地雖
除尚有新絕之糧累民賠補屯衛雖裁
尚有堯塙之瘠無人墾開舊日秋糧條

編折徵而今有臨德轉漕之累他如
站之協濟而供應煩戶口之人丁減而
食鹽倍凡此皆昔之所易今之所難利
之所興即害之所伏者也去害莫如盡
力所得爲者不敢不勉分所不得尊者
以俟後之君子可也若云此志變通可
久則吾豈敢

靈寶縣志

舊序

三

順治丁酉孟夏邑令古宜梁儒宗洙謨
今海宇奉

詔徵書四方子史志集成咸得貢諸

朝以備典要天下郡邑雖各重加修纂而
於訂古証今典則精核未免闕如也天
中稱文獻之藪苟

憲臺之洞鑑指畫靡遺凡我下邑斯有

宗主靈寶古函谷關桃林重地邑志
燬殆久於酉年賴前令梁侯重修刊輯
固已明備又奉 憲式益加精確其以
羽翼

國史何多讓焉今夏 經 叨任斯土適遭其
會久爲不世奇逢遂開局遴輯爲更新
之期與前志稍有裨益以無負

靈寶縣志

舊序

四

朝廷輶軒之使亦無負 憲臺哀輯之意
而紀事編形刪煩就簡務使文省於前
事增於後以備

聖天子他日省方察俗取諸半部而丁戶
之損益土田之硯沃賦賦之上中以及
廉隲之與衍而知勞逸勤思驛遞之殷
繁而念 黃况瘁山骨之荆榛而憫此

離道負一一如指諸掌抑且貞廉孝義
益教化振來茲以扶進風土而獲邀
御覽上蒙 燭照者未必不本諸此也古
先王陳詩納價無非欲得民情而用之
志之所紀民情大可見矣設教而緩又
之則

今日之風行與 司憲之鼓勵於是乎在

靈寶縣志

舊序

五

若夫境內事蹟前志已悉何容輕置一
喙是爲序

順治庚子仲夏邑宰都梁宋騰鯉振霖
撰

靈寶縣舊志序

邑令霍濬遠曰濬遠不敏承乏茲土自
巳己仲秋至庚午孟冬屈指朞月有六
旬矣凡

國計民生之務皇皇焉凜凜焉惟懼負

主恩之高厚辜

上臺之栽培一寢一食曷敢自卽於安

靈寶縣志

舊序

時逢雍協文治宣昭萬國咸寧車書一
統輯瑞而彰教者海外絕域罔不率俾
振古以來所未有也竊思我

皇上御極三十年來生聚教養至周至渥起
視寰區土田戶口風俗人文日新而日
盛者普天率土莫不見聞然所以徵徃
而憲來者必取乎志以是

命儒臣特修一統志行且告成而

大中丞閻公開府天中百度釐舉亦以志書爲未備檄行各屬續修濬遠捧檄竟讀欣然喜復瞿然懼按舊志修於

世祖章皇帝之十四年遡厥紀歲廼在丁酉越五年而濬遠甫生今得涖斯邑而理其疆閱其書景先哲數往事不勝遺缺之

靈寶縣志

舊序

二

感又自慙愚陋未克勝任荷

大中丞頌畫一之規定簡要之矩因義起例條理井然遠也敢不黽勉從事夫一邑之境鱗次牙錯廣袤縱橫各有定額故以總圖首焉隨刊奠定有異名而無易界此坤厚之貞觀也故志沿革星躔以備休咎勿以彈丸而遺故志天文

分疆畫界火人... 是計故志... 篤人倫村... 往來渠堰以備蓄泄官署坊表以及祀
典里社皆政體攸關故志建置名山大
川肇自兩儀初闢雖陵谷有時推遷而
孕秀毓靈者惟在高深故志山川代遠

人遐幽奇未戕芳踪偉跡感慨繫焉故
志古蹟儂薄者可化以敦龐頑懦者可
導以廉毅奢靡者可齊以儉樸剛戾者
可養以謙和誠哉禮樂所能移易故風
俗不可不志也狂士作貢樹藝異宜天
喬動植民生所用故土產不可不志也
汲塚展邱千秋憑弔秦碑漢碣風雨

殘以及唐陵宋寢斷隴荒墳有不與冥
烟衰草同盡者故陵墓不可不志也琳
宮梵宇或屬舊基古刹祗園多由勅建
故寺觀不可不志也聚則壤之肥磽程
稅糧之輕重其間增減曰時徵科有候
此載在天府上於司農賦稅爲尤重也
則志之名父杜母奕世謳思甘棠官柳

未敢攀折以一身之臧否爲百姓之休
戚職官又所重也則志之聖賢垂範模
于天壤豪傑立事功于當世他如甲第
明經固足徵人文之蔚薈非徒爲鄉黨
寵光人物在所必書也故志之若先達
之居停高人之至止流風餘韻猶有傳
者至孝義節烈天地正氣耿耿不磨卽

逸民技士亦必有所挾持皆當與人
連類而志者也清言麗藻以繡口而傳
錦心高文大篇本經史而拓議論長歌
短咏具見性情古調新聲動關風雅不
志藝文何以傳後乎至於災祥雖天道
之吉凶而修省乃人事之趨避亦在所
必附焉綱舉目張振裘挈領若非我

大中丞之章程敢易言纂修哉濬遠渺
見寡聞詒誦匪細于是廣蒐載籍博訪
遺編詢之故老質之輿情敦請一二淹
雅之士考訂商確繁者芟之畧者詳之
缺者補之諱者明之紊者理之訛者正
之續者增之凡五易稿三越月始成書
爰進

大中丞而筆削之以述往事昭來者于
是乎在恭遇

郡伯汪公木天仙吏國史鉅才出守名
區更化善俗草創既就敢請刪定以襄
盛典濬遠亦得竊步後塵藉以不朽何
幸如之夫宇宙大矣叢爾之靈何殊秦
山之撮土九牛之一毛然幅員之廣郡

縣之積也山川不改人物依然閭巷之
歌謠可供輜軒之採侯尉之出產亦充
太府之藏安在弘農下邑致嘆於文獻
之無徵也哉是役也重繙舊志敢云踵
美而增華繼晷焚膏自喜析疑而傳信
請詳定本捐俸鏤刊庶幾附名賢之後
以備遺忘而已若夫教養安恬風醇俗

茂則有待於後之君子

皆

康熙二十九年孟冬之朔

靈寶縣志

舊志

七

靈寶縣舊志序

在昔洛邑未營而桃林之名已見於周誓
厥後柱下東來薛公宵度指數百二首重
函關卽合六王之力卒未聞挾泥丸而封
之形勝所傳由來舊矣沿革代殊廢興遞
變上下二千餘年所爲盛衰升降之故惟
賴紀載之力始足以述既往而詔將來余

舊序

一

嘗三折肱於茲邑矣往者民散土荒逋賦
數萬展轉株累日就流亡鳩鵠餘生庭廡
待斃而正供之外又迫之以芟芻羽檄星
馳巧炊無措心傷鄭俠難繪安上之圖才
媿陽城自分催科之拙顧茲墨綬輕若鴻
毛而私念平陸牛羊一旦立而視死則距
心之罪不幾與持戟者等哉賴

聖天子在上俯念民依一時

當事諸公莫不留心撫字勉從所請始得獨
除余蓋三次繕詳不覺淚盈盈出於心
上也痛定思痛輒欲編輯舊章網羅佚事
條核人物審定風謠以成一邑之志而簿
書鞅掌尺幅非長考獻徵文缺焉弗舉今
霍君來尹茲邑也政簡事息物阜人安乃以

舊序

二

文章緣飾吏事承

大中丞閻公續修志書盛典殫心綜覈銳意
蒐銓因革損益有關於民瘼者必書孝義
忠貞有裨於名教者必錄凡人材之消長
習俗之醇駁山川之險易幽敞風氣之燥
濕剛柔戶口城郭賦役兵刑之衰旺堅瑕
繁簡得失無一不考列精審裁制弘通綱

聖自張星分川布徵遠古則委曲如有謬
迄今則鬚眉可鑑讀者疑爲踵事增華而
不知其創也疑爲分曹開局而不知其獨
也疑爲積月累歲而不知其成於一時也
博而信簡而該後之吏茲土者披志而洞
登耗之情狀尋利病之根源講興革之事
宜圖補救之實益陳方發冊直將比諸格
路無憾矣今

舊序

三

聖作物睹溥海內外文治蒸蒸太和溢而芝菌
生山澤通而雲霞爛鴻文鉅筆其猶應雲
朱草之瑞世者乎古者祥瑞見於其境則
長吏賜金增爵斯亦

霍君對揚景命之休徵矣

康熙三十年辛未孟夏掌山東道事陝西道監

察御史前任靈寶縣知縣靖川江蘩題於

金臺栢署

舊序

四

序

靈邑古桃林地漢以後為
農郡唐以來為靈寶縣洎入
國朝雍正甲辰以前隸河南郡乙
巳後改陝州為直隸而靈與
閿盧三邑屬焉先後隸屬不

序

同邑乘六當有別又凡事體
人物之有關政治風土而不
可磨滅者尤宜及時編輯無
容聽其湮沒而不彰歲乙丑
冬余奉

命來守是州下車後諦視本州暨